



Cili është gjykimi i lidhjes së duarve pas ngritjes nga rukuja?

الحمد لله و صلى الله و سلم على نبينا محمد. أما بعد

Ka mospajtim në lidhje me këtë.

Imam Ahmedi thotë:

“Nëse dëshiron i lidh duart pas rukuje. E nëse nuk dëshiron, i lëshon.”

Shumë dijetarë të kohëve tona si Bin Bazi, Ibn Uttejmini, Feuzani etj, thonë:

“Është e pëlqyeshme lidhja e duarve pas rukusë, dhe e papëlqyer lëshimi i tyre.”

Këta bazohen në disa hadithe të përgjithshme. Prej tyre Hadithi I Ueil bin Huxher, i cili thotë:

((Kam parë Profetin sal-lall-llahu alejhi ue sel-lem që kur qëndronte në këmbë në namaz e vendoste dorën e tij të djathtë sipër dorës së majtë))

Thonë: *“Ky hadith është i përgjithshëm, për të gjitha rastet kur jemi në këmbë, para apo pas rukuje. Nuk ka argument që tregon se është mirë të lëshohen duart pas rukuje.”*

Ndërsa shumica e dijetarëve të hershëm dhe të mëvonshëm thonë:

“Pëlqehet lëshimi i tyre.”

Madje shejh Albani thotë:

“Lidhja e duarve pas rukuje është bidat. Nuk ka asnjë transmetim të saktë që tregon se ndonjëri nga Selefët e ka bërë këtë.”

All-llahu e di më së miri

Ai është më i Dijshmi

و الحمد لله رب العالمين

و صلى الله على نبينا محمد وعلى آله و صحبه و سلم